

375.

Konstanz, 1327 Juni 9.

Graf Hartmann III.<sup>1</sup> von Werdenberg-Sargans,  
erster Graf von Vaduz, verkauft an Meister Ulrich von Sargans<sup>2</sup>  
ein Gut zu Eschen<sup>3</sup> um 32 Pfund.

Wir Graue hartman («hart.») von Werdenberg here ze Sangans tügen kunt allen / den die disen brief ansehent oder horent lesen daz wir vnserem liben / diener Maister v̄lrich von Sangans. hermann vnd filippen . siner swestersünen von / Eschan vnd (*eingeschoben*) iron geswistrigen von March<sup>4</sup> genant, ze koufen haben geben daz / gût daz vns an viel von v̄lrich dez kameres<sup>5</sup> seligen todes wegen, vnd ze Eschan gelegen ist, ez si an ackeren an wisen an hovesteten besüchtis vnd vnbi - / süchis, vnbe zwai vnd Drisig phunt kostenzer phenig die wir von dem / forbinenten Maister. v̄lrich enphan gen haben gar vnd genzlich vnd geweret sin. Ez / ist ovch geret daz wir dez vorbenten Maister. v̄lrich wer sulent sin dez forbenenten / gûtes nach rehte vnd gewonhait dez landes<sup>6</sup> Ez sind ovch die vorbenenten Maister / v̄lrich. herman. vnd filippe. siner swester sùn mit vnserem willen vnd gunst / mit ain ander vber ain komen daz der vorbenemet herman vnd sine brüder / Maister. v̄lrich. geben sond allù jar ze Sant Martis tag ahte Mut waisen<sup>7</sup> vel / kircher messe<sup>8</sup> dez besten so in we-sicht schone vnd suber gewannet<sup>9</sup> vnd ge- / machet ze zins von dem selben gût die wil er lebet, vnd so er stir / bet so sol ez ledigkil an die vorbenemet. her. philipp. vnd ander ir geswistr / rig fallen durch siner sel willen, weri ouch daz die vorbenemet / her. / vnd sinù geswistrich Maister v̄lrich den zins nicht rihtint ze den zilen als da / vor gesriben stat, so hat der vorbenemet Maister . v̄lrich gewalt daz gût anderen / Lüten ze lihen vnbe ainen zins so er turest mag die wile er lebet, ane alle / wider rede Si sond ouch die acht Mut waisen allù jar anntwrten gegen Sant / Gans<sup>10</sup> oder gegen velkirch swedirent ers wil, vnd ime bas kumet, ane wider/rede. Dis koufes sint gezüge her v̄lrich von Emz<sup>11</sup> ritter. . der kirchher von / dem gosholze.<sup>12</sup> vnd haizil von Mailair. vnd ze ainem waren vrkünd aller / der forgesriben dinge so geben wir disen brief dem vorbenemet Maister. v̄lrich besigelt mit vnserem Jsigel daz dar an hanget / Der ist geben ze kosten / ze inder stat do man zalte